



Fréttabréf Naustaskóla

4. tölublað, 6. árgangur, 2. apríl 2013

Ábyrgðarmaður: Ágúst Jakobsson

Námsaðlögun • Athvarf • Umhyggja • Samvinna • Táp og fjör • Allir með!

Hafragrautur

Grauturinn á morgnana hefur hlotið ágætari viðtökur og er nokkur hópur nemenda sem notfærir sér það á hverjum morgni að geta gætt sér á hafragraut. Það eru því allar líkur á því að þessi þjónusta sé komin til að vera...

Gangbrautavarsla

Nú vantar okkur bara að manna örfáar vikur á gangbrautinni til vors... það er nú fátt skemmtilegra í vorblíðunni en að taka daginn snemma og aðstoða við að tryggja öryggi barnanna á leiðinni í skólann :) Áhugasamir hafi samband við skólustjóra...

Sundpokar - hætta!

Við viljum vekja athygli foreldra á að hætta getur stafað af of löngum böndum á bakpokum sem mjög margir nemendur nota undir sundfatnað. Nokkuð hefur borið á því að börnin vefja þessum böndum um hálsinn á sér en af því getur augljóslega stafað hætta, auk þess sem börnin stíga stundum í böndin og hrasa um þau. Við biðjum foreldra því um að stytta í þessum böndum og ræða málið við börnin - nú eða senda þau með annars konar poka...


Kæra skólasamfélag

Mars var sannarlega viðburðaríkur hjá okkur og rak þar hver viðburðurinn annan. Árshátíðin tókst aldeilis prýðilega og útivistardagurinn sömuleiðis, enda lék veðrið við okkur í fjallinu. 7. bekkur fór í skólabúðir og fulltrúar skólans kepptu í upplestrarkeppni og skólahreysti og stóðu sig með mikilli prýði. Í aprílmánuði er hins vegar ekki mikið um uppákomur, nema að 4. bekkur fer í skólabúðir í Bárðardal og unglingastigið heldur hið langbráða "árshátíðarball". Það ber hins vegar helst til tíðinda að það eru nokkrar breytingar á starfsmannahópnum nú í byrjun mánaðarins. Heimir Örn er á leið í fæðingarorlof á nýjan leik fram á vorið en í hans stað í 6.-7. bekk kemur Brynja Dögg sem er einmitt að koma úr fæðingarorlofi. Ása Katrín er einnig að snúa til baka úr leyfi og kemur til starfa í unglingadeildinni en þar fáum við einnig nýjan kennara til starfa en það er Atli Sveinn Þórarinsson sem kemur úr Réttarholtsskóla. Svo líður að því með vorinu að þær Þóra Ýr kennari í 8.-10. bekk, Þórey íþróttakennari og Aðalheiður iðjubjálfi fari í fæðingarorlof. Það er ekki að spyrja að gróandanum og frjóseminni í skólanum okkar :) Við erum svo að byrja að undirbúa næsta skólaár, drög að skóladagatali næsta vetrar eru komin á heimasíðuna, við erum byrjuð að huga að uppstillingum kennsluteyma fyrir næsta vetur o.s.frv. Það er útlit fyrir að það hægi aðeins á fjölgun nemenda hjá okkur, enda förum við nú að útskrifa nemendur í fyrsta sinn, en engu að síður stefnir í að það verði um 320 nemendur hjá okkur næsta vetur. Framtíðin er því spennandi og lífið hreint óborganlega dásamlegt...!

Ágúst Jakobsson, skólustjóri

Læsispróf og foreldrakönnun Skólapúlsins - stórgóðar niðurstöður!

Nú liggja fyrir niðurstöður úr læsisprófum í 1. og 2. bekk frá í febrúar og einnig niðurstöður úr könnun Skólapúlsins sem lögð var fyrir foreldra í mars. Það er skemmt frá því að segja að niðurstöður þessara mælinga eru í heildina tekið afar jákvæðar fyrir skólann. Má þar nefna að mikill meirihluta þeirra þátta sem mældir eru í Skólapúlskönnuninni mælast yfir landsmeðaltali. T.d. má þar nefna að ánægja foreldra með nám og kennslu í skólanum er marktækt yfir landsmeðaltali sem er auðvitað glæsileg niðurstaða fyrir nýjan skóla. Í mörgum þáttum er skólinn í hópi allra efstu skóla á landinu t.d. hvað varðar ánægju foreldra með samskipti starfsfólks við nemendur. Könnunin sýnir góða líðan nemenda, einelti mælist minna en almennt gerist o.fl. Læsisprófin í 1. og 2. bekk sýna mjög góðar niðurstöður samanborið við aðra skóla sem taka þátt í þeirri könnun. Niðurstöður læsisprófanna má nú þegar nálgast á heimasíðu skólans (undir hlekkjunum "skólinn / matsgögn og skýrslur) en niðurstöður foreldrakönnunarinnar birtast þar á allra næstu dögum. Við munum svo vinna betur úr þessum niðurstöðum, kynna þær og nýta til að leggja á ráðin um umbætur fyrir næsta vetur. Á myndinni hér til hliðar má sem dæmi sjá mynd af því hvernig Naustaskóli raðast í Skólapúlskönnuninni með tilliti til annarra skóla þegar spurt er um ánægju foreldra með "hve vel skólinn mætir þörfum nemenda".



Í niðurstöðum könnunarinnar eru skólar flokkaðir í þrjá flokka, þ.e. skóla sem eru einungis með 1.-7. bekk, fámenna skóla (færri en 160 nem. í 6.-10.b) og fjölmenna skóla. Naustaskóli flokkast enn með fámennum skólum en eins og sjá má er hann vel ofan við landsmeðaltal (rauða strikið) í þessari mælingu og er í flokki hæstu skóla landsins (Naustaskóli er svartur punkturinn en gráu punktarnir eru aðrir skólar). Þetta er reyndar nokkuð dæmigerð mynd hvað varðar röðun skólans!





Naustaskóli við Hólmatún, 600 Akureyri

www.naustaskoli.is - naustaskoli@akureyri.is - Sími 460-4100 - Frístund sími 460-4111

Apríl 2013

Sun	Mán	Þri	Mið	Fim	Fös	Lau
	1. Annar í páskum	2. Soðinn fiskur, kartöflur, grænmeti og smjör Opíð hús 8-10b Opíð hús 4-5b 16:00-18:00	3. Slátur, kartöflur, rófur og uppstúfur Opíð hús 6-7b 16:00-18:00	4. Grænmetisbuff, brún hrísgrjón og indversk jógúrt dressing	5. Hrísgrjónagrautur og slátur "Árshátíðarball" fyrir 7.-10. bekk	6.
7.	8. Kjötþúðingur, grænar baunir, kartöflur og brún sósa 4. bekkur fer í skólabúðir í 3 daga	9. Ofnbökuð bleikja, kartöflur, salat og blaðlaukssósa Opíð hús 8-10b 19:30-21:30	10. Steikt lambakjöt, kartöflugratín, salat og sósa	11. Fiskipottréttur, hrísgrjón og salat	12. Aspassúpa og heima-bakað brauð	13.
14.	15. Fiskibollur, kartöflur, salat og karrýsósa	16. Íslensk kjötsúpa Opíð hús 8-10b 19:30-21:30	17. Grænmetispottréttur, hrísgrjón og salat	18. Soðinn fiskur, kartöflur, grænmeti og lauksmjör	19. Nautagúllas, hrísgrjón og salat	20.
21.	22. Ofnbakaður fiskur í blaðlauksrjóma, hrísgrjón og salat	23. Lasagna, kartöflustappa og salat Opíð hús 8-10b 19:30-21:30	24. Fiskur í raspi, kartöflur og sólskinsdressing	25. Sumardagurinn fyrsti	26. STARFSDAGUR (Frístund lokað eftir hádegi - frá 12:15) (Makkarónusúpa, brauð og álegg)	27.
28.	29. Mexíkóskur hakkréttur, hrísgrjón og salat	30. Soðinn fiskur, kartöflur grænmeti, tómatsósa Opíð hús 8-10b 19:30-21:30	1. maí Fridagur verkamanna	2. Steiktur grísahnakki, kartöflur, salat og sósa	3. Baconkartöflusúpa, brauð og smjör	4.

Að sjálfsgöðu eru sumardagurinn fyrsti og verkalýðsdagurinn frídagur en að auki er frí hjá nemendum föstudaginn 26. apríl en þá er starfsdagur, Frístund er einnig lokað eftir hádegi þann dag.